

地 250.53
136
18

義寧州志

十八卷
人物志
儒林
義行
文苑
隱逸
孝友
善士

第八冊

義寧州志卷第十八

儒林

宋

黃罈字子耕叔敖孫從郭雍朱熹學喜深期之嘗致書往復
十餘通為講明格物致知誠意正心之要而罈亦以道自
任反復論辨必無所疑然後止舉太學進士為瑞昌主簿
監文思院知廬陽縣五溪獠獷悍罈為詩諭之獠咸悅有
公事莫敢違通判處州經總制有額無錢俗號殿最綱罈
會十年中成賦酌取之閣免逋負錢額鈞等獨以最聞主
管官告院大理寺簿軍器監丞歲餘三遷罈乃不樂閒行
西湖慨然曰我昔在南北山一水一石無不自題品今無
復情味何邪旬外知台州謝良佐子孫居台者既播越流

義寧州志

卷十八

儒林

四百七十

落罈求之民間收而教之勤苦夙夜先勸後禁訟牒銷縮
郡稱平治為濟糶倉為抵當庫葬民之棲寄暴露者為棺
千五百置養濟院又朔安濟坊以居病囚皆自有子本錢
使不廢故葉適謂罈條目建置憂民如家遷袁州哭從弟
哀甚得疾卒所著有復齋集黃文節公年譜十五卷編錄
朱子語類十卷

宋史

元

雷光庭字有光縣市人初與高安姚勉廬陵劉辰翁為友隱
迹不仕家居教授必本於人倫物理從者不遠千里學士
程鉅夫詹天遊進士李芳齊皆其徒也嘗著九經集義若
干卷子史辯三十卷詩義指南十五卷禮記義疏五十卷
至元壬辰間遣使徵未至卒劉宸翁以詩輓之曰諸生已

房魏舊業但河汾學者稱為龍光先生

人物志省志光電

明

程翼字於敬遠溪人元安撫使皂之孫登至正鄉舉任新淦州學正避兵南昌之西山洪武二年還遠溪時鄉先生周維翰雷仲益張原正祝用安咸推重之知縣項中宣聘為儒學訓導預典湖廣文衡其教人以孝弟為修身之本勤苦為讀書之本廉謹為居官之本門人如艾旭石彥誠輩最著翼幼從編修余貞教及長與祭酒宋季安學士朱善儒士梁寅友號麓隱同時有游龍淵者重厚簡默長於吟咏授武寧司訓王埜力行孝弟博洽經史授曲江縣令篤行自守以孝廉舉授連州同知者車鑑以孝弟力田舉任平涼府通判者徐宏遠任鞏昌府同知而通志著其廉謹

義寧州志

卷十八

儒林

二 五百二十

者陳敏也又有周應辰博覽書史敦尚信義隱而不仕時皆稱賢云

冷自誠奉鄉十七都人洪武二十七年中江西鄉試第一主司評其文云增減一字不得明年中禮部乙榜明祖方以京學為重應天府學教授缺令擇學行優者居之吏部以自誠薦士心咸服上每以先生呼之賜予甚頻且命經筵進講多有補益嘗疏乞祭掃特令馳驛歸後卒於官

國朝

周孔從字監二號白亭犀津人四歲日記千言咸目為神童雍正元年有流匪王本習之亂各皇遽奔匿孔從誦讀自若人以此高其識十五補弟子員父母相繼沒竭力養祖母撫諸弟除夕家燬於火孔從從火中曳祖母

及諸弟出家益蕩然日唯下帷講學著有周易及毛詩
義疏乾隆辛酉選貢成均是秋舉於鄉明年成進士改
庶吉士甲子順天鄉試

特旨命庶常分校孔從與焉所得士皆知名乙丑授職檢討
朝廷錫宴賦詩賞賚諸典無不及孔從益刻苦讀中秘書所
作詩歌文章皆臻古人堂奧一時詞館咸推重之學士
金牲嘆為天才年三十五遽以疾卒門下士錢汝誠誌
其墓弟孔易孔徒俱親受書既以次領鄉薦孔從泣然
曰惜先人不及見也子學山字開予號靜莊聰慧絕倫
詩文偉麗以壬午鄉舉入都試禮部士大夫羣相謂曰
白亭有後矣各欲延至家學山引嫌不就後以疾辭歸
委頓而卒嘗讀書鷄鳴山寺樓上夜半火起從烟焰中
笑出先人著述俱付一燼惟餘白亭詩鈔及玉堂應制
三卷

文苑

宋

黃茂宗字昌裔雙井人登進士父中理築館於芝臺櫻桃洞四方來學者嘗數百人故諸子多以文學知名茂宗才高篤行為兩館師大中祥符間國學試進士以木鐸賦主司拔王文為第一而黜茂宗歸次蔚氏遇翰林學士胥偃見茂賦大驚拉與俱還以賦示主司曰使舉子能為此何以處之皆曰王文不得為第一矣胥以實告皆相顧歎惜因懷賦上殿有詔特收試禮部叅知政事趙安仁翰林學士劉筠擢茂宗在十人中授崇信軍節度判官卒於餘杭歸塋雲巖潭上弟滋湜淳渙灝浹注渭浚並馳名時號十龍

按王文舊志以為王交今考林志改正

義寧州志

卷十八

文苑

四百七十五

黃注字夢升茂宗弟也注雅以文章意氣自豪少從兄茂宗官於隨年甫十八眉目明秀善飲酒談笑時歐陽文忠家隨見注竒之後十七年同舉進士注得丙科初任興國軍永興簿以疾去久之調公安時修謫夷陵令相遇於江陵後二年修徙乾德令注復調南陽簿又相遇於鄧問平生所為文章幾何注慨然歎曰吾已諱之矣窮達有命非世之人不知我我自不欲聞於世耳注素剛不苟合負其所

凡三十卷

舊志三千卷誤

按黃夢升政蹟文章不甚著謝志以得歐陽文忠之志墓而名以傳及見黃山谷跋墓志後云叔祖夢升學問文章五岳縱橫制作之意似徐陵庾信不幸得人間四

十年爾使之白髮角逐於英俊之場未知與歐陽孰先孰後也其推重若此惜所著三集今皆失傳林志載其弟茂先名灝同遊歐陽門登景祐進士授衛尉寺丞官至朝奉郎太子洗馬亦有文名時江北有段可達與灝齊名當時有江南黃茂先江北段可達之譽

黃庠字長善注之從子博學強記穎敏過人景祐元年詣京師就國子監開封府禮部試第一比引試崇政殿以疾不能入天子遣內侍即邸舍撫問賜以藥劑是時庠名動京師所作程文傳誦天下聞於外夷近世布衣罕比也歸江

南五年以疾卒

宋史文苑傳

南宮覲字希元屏津人家貧嗜讀書天性肫摯同邑黃朝散常云希元孝而好學必不終窮應鄉舉時里人屢獻夢長

義寧州志

卷十八

文苑

二

五百二十

老以為吉祥覲猶眷眷老親不忍遽行朝散子亞夫別希元詩曰君名在鄉書捧檄不肯去高堂媿白髮有疾落鞭轡里人獻吉夢四辟衆所義我喜先子言在耳若龜筮皆紀實也慶歷二年成進士

伐檀集并注

黃庶字亞夫茂宗從子年二十五歲以詩賦登嘉祐進士歷州郡從事曾攝康州治有聲少讀書自古來忠臣義士奇功大節未嘗不津津乎嚮慕之以仕不得志遂刻意為詩文有詩云漁家無鄉縣滿船載稚乳公私鞭笞息醉眠聽秋雨又題怪石詩云山鬼水怪著薜荔天祿辟邪眠莓苔大都奇語云卒贈大中大夫有伐檀集二卷行世子大臨庭堅叔達各有傳

戴輿耆艾有德而明經術臨川鄒損道令通城聞其賢以書

幣聘為縣主學俾士大夫有所矜式於是投耒耜而挾書
棄游惰而受業者日至頃之家知貴老鄉知尚齒於市於
田見儒衣冠者皆肅然

山谷全書

黃叔達字知命山谷弟也雅負奇節人有臭味投者推挽之
不遺力意所不可雖衣冠貴人亦唾辱之與彭城劉師道
友善嘗之京師同師道謁法雲禪師於南城夜歸過龍眠
李伯時叔達着白衫騎驢道中搖頭而歌師道負杖挾囊
於後一市皆驚以為異人伯時素善畫因寫為圖邢惇夫
昨夜歸圖詩以歌詠之叔達小詩樂府皆清麗可愛有詩

四十首附山谷集中

南昌舊記

黃公準字稚川庠從姪也幼好學博洽經史不事舉子業以
詩名公卿大夫往往折節下之閒亦悟禪學嘗結茅於櫻

義寧州志

卷十八

文苑

三

五百一十五

桃洞觴詠自娛晚復寄寓雲巖精舍年五十五無疾卒號
雲巢居士有雲巢集十卷行世

余彥倫字景中

一作東

良肱孫舉元祐五年解試任信州判官

未老投閒構青青軒以自逸子天任六歲誦六經如流挑
試無不通舉神童授翰林正字黃魯直愛其舉止似孫莘

老因以莘老字之

舊州志及山谷全書

黃談字子黠雙井人官至朝奉郎有詩名張安國推作江西
後社頭以急雨黃花渡初晴白雪村為首有澗壑詩詞二

集行世

人物志

徐璧字待價師川長子豪邁能文辭嘗作書萬言欲投匭極
言時政無所諱避師川偶見之大驚奪而焚之早死

陸游老學

菴筆記

南宮靖一字仲靖屏津人登端平二年進士嘗著小學史斷二卷其論周秦謂作史者當於莊襄之元年東周既滅特書周亡然後進秦使接周統於莊襄之季年呂政嗣立特書秦亡然後正其姓氏別為後秦斯實錄矣今東周末滅遂進昭襄之秦呂政嗣立猶冒嬴秦之姓於周則絕之如恐其不亟於秦則進之如恐其不及是非逆置為之何哉其持論如是自號坡山主人

人物志

祝慶夫寶祐時人初生時大父麥坡夢有紫雲覆寢室因字雲孫七歲時冬雪嚴寒忽自云冰雪凝難解風雲慶有時麥坡驚喜嘆曰先世家聲此子當繼之命賦池魚及庭竹詩即應聲云方池如鑑碧溶溶錦鯉遊揚逐浪中竚看三春烟水暖好觀一躍化神龍庭前修竹長琅玕任是隆冬

義寧州志

卷十八

文苑

四

四百九十

不畏寒戛玉篩金承雨露亭亭青翠拂雲端後赴神童科中選上召對言詞敏捷賜賚甚厚

祝氏舊譜

元

程以臨字至可遠溪人號雲莊山人至元間除將仕郎辭不就天資超悟凡經史百家天文地理醫藥卜筮諸書靡不貫通尤長於詩構別墅曰雲莊曰邱雲堂曰費隱閉門讀書老而彌篤選編漢魏唐宋諸詩名曰刪後正音註解周易俱未脫稿而卒所製有瓠丸小錄兩稗新漚擬古集東魯集漢東集荆南集湘閩集樂府行世

章楫宋丞相鑑從孫博學工詩家雖貧淳如介如無分毫悲窮悼屈耻惡衣食意遊洪庠吳文正澄極器重之

吳草廬集

明

周維翰字時憲少穎敏博學強記年十四以易魁江西鄉薦元季兵亂與父天與集鄉兵登中峯岩為保障計豪傑聞者相率附聚鄉邑咸賴壬寅大兵至九江即與陳龍陳良率眾歸附進呈大明正德頌由是獲隸都督曹公墓下曹見而竒之有所往輒携以自隨一日集朝士置酒高會出老婦騎牛吹笛圖即席索詩作者甚眾維翰獨默曹曰能無作乎乃口占一絕云楊妃血濺馬嵬坡出塞昭君淚更多何似阿婆牛背穩西風一曲太平歌曹擊節嘆賞以疾求歸曹許之遂賦歸來篇以自况

按明詩綜載清江范氏題圖亦有此詩與此小異

章煥字文明號介齋宋丞相杭山之裔天順己卯挾所治春秋試薦不偶為人嚴毅剛正以孝友自勵慎交際不苟合

義寧州志

卷十八

文苑

五

五百二十

於人丙戌貢春官入南雍為國子上舍歷政歸以春秋學授周季麟及季麟貴顯平反大獄邊番懾服自謂得介齋師授之力居多

張幼文字載道黃田人幼有志操不隨世浮沉受學於南昌鍾迪甫篤志正學為文典雅不事雕縵歷試不舉有趙巡按者潛通私人欲舉之幼文笑曰此其所以為幼文耶少宰黎淳隨父斌任寧縣丞與幼文交後以貢謁選淳為吏部侍郎幼文不為私謁郡諸生試授龍虎經歷淳甚重之未幾引去家居端謹蚤失怙事毋備得歡心奉三兄如父三兄亦好古留心理學聚講恒至丙夜荆楚流寇揚言欲至其家幼文具衣冠率子弟迎之語以禍福賊眾感悟而去生平文綺不加於體子姓雖燕見必衣冠異端淫祀絕

口不談卒年六十九學士張元禎表其墓以古樸君子稱之

周賁號接瀾榮夫之八世孫志存尚友讀書達旦不休試弗售知者咸相惋惜以春秋應歲薦授廣信府弋陽縣訓導縣庠科舉額數過乏竭力增之士林以此多賁陞東流縣教諭有王懷惺先生深器卓行亟加獎薦賁上書乞歸構閣屏津吟哦不廢州守楊公聘修邑志直筆不誣卒年八十有六

王天發奉鄉寨里人資性穎異過目成誦甫十歲州試即見竒於州守李侯謂山谷再出萬歷丙午舉鄉試卓有才名丙辰以春秋為房考翰林李標擬會魁大學士吳公道南以同鄉避嫌置副榜是年任湖廣寧遠縣教諭卒於官著義寧州志

卷十八

文苑

六 四百九十五

有蜚語方丈逸談傳於世

張誠吾字桐友奉鄉觀溪人萬歷時為諸生磊落恢竒善屬文好談兵法守備鄧子龍征勦銅鼓賊聘為幕客軍事多所叅贊賊平子龍欲薦其功力辭復厚贈之不受嘗有上兵巡王公書娓娓數千言皆切中時弊著有文集若干卷王西泉佚其名大里人隆萬間州中推篤行君子授徒里塾不獨以能讀書能運筆為殿最一以道義名節拳拳切拍故出其門者多知潔清自愛所著西泉詩數卷溫厚峻整度越澆浮同族受業舉人天發嘗跋其後

方丈逸談

鄒科字子庸泰鄉三都人學問淹洽文采為州里推重一時譽髦多出其門萬歷戊午中本省鄉試崇禎中候選卒於京邸弟第字子京中天啟辛酉本省鄉試

陳嘉璵字魯玉高市人五齡失怙生母出適事嫡母無違謙卑醇謹篤志力學同蔚菴閉關讀書經歲不踰堂階督學侯公峒魯賞其文拔冠多士領崇禎壬午鄉薦上公車未至京歸舟遇風覆沒於左蠡

國朝

熊廷瑁字百子號宏素奉鄉郭城人幼失恃事繼母至孝賦性英敏博涉羣書登崇禎丙子鄉薦房考李少文閱文大竒之公車屢上不第平生周貧恤困戚族賴之順治壬辰選直隸沙河縣令未任而卒

余應荃字未人學思長子幼穎異髫齡食餼事母以孝聞能詩文試輒冠軍標格灑落性介多不偕俗稱知己者惟陳蔚庵一人家貧不治產業生平無十金之積有則便以應親朋之求嗜古力學老而彌篤雖四壁蕭然著述不倦所著有漁人問寶黃堂律陶詩及白香山集句詩年六十六無疾而卒

徐名緯號龍山州治黃荆巷人學邃才優淹貫經史州守徐公聘纂修州志由歲貢授興國訓導課士七載學校奮興年老致仕歸子孫皆能繼其業

陳欽殷字元生號蔚庵黃土嶺人博學多能長於吟咏逍遙山水間恬然自得州守欽其賢與徐名緯同聘纂州志由歲貢授龍泉訓導以亂中道而還性慷慨喜施濟卒年七十

徐淮字叔青高市人沉潛嗜學品行金玉中康熙己酉科亞魁識者稱其文筆精深能挾五家之奧

徐名識字默而號湛軒高鄉人賦性沉毅雅工詩古文詞
康熙癸酉歲貢至老吟咏不輒著有和陶集壽八十一
子希玠考授縣丞孫懋晟乾隆中歲貢

何汪字若干號毅菴州治人績學篤行教授生徒受其業
者皆騰聲藝苑棘闈一十五赴得而復失由歲貢授永
豐司訓勤行月課循循善誘永豐人士如座春風縣令
欽其賢遣子就業後卒於官年七十八

溫士英字子俊號彥菴上坑人品行端謹學問優長為族
黨典型由歲貢授定南司訓地連閩粵之交士多勁獷
英至耳提面命勤加課督數月之間人文丕變後以縣
尹羈省憲檄攝理縣事厭煩劇遂乞休歸卒老於家子
顯綱歲貢孫恭廩庠

義寧州志

卷十八

文苑

八 四百七十

胡崇憲字六皆州治人生而穎異過目成誦年十四失怙
延師訓課諸弟一時名噪黌宮中壬午經魁再上公車
卒於濟寧未竟其才士林惋惜子聖緝甲寅歲貢積學
篤行啟迪後進次聖緒緇綬俱餽於庠

陳嘗字于夏號月菴泰鄉靈洞人幼即警敏淹貫經義為
文效金嘉魚直造閩域中乙酉亞魁授內閣中書晚年
適情墳典丹黃四壁兼通素問靈樞活人甚眾著有月
菴課菴

姚修經字石渠仁鄉人學邃品端為諸生焯有文名州守
任班二公兩修州志禮聘編輯秉筆維公晚年高隱淇
園詩酒自娛以終著有楚遊記淇園集子祖舜孫定鳴
俱廩庠

熊勒字雲昭號少陵奉鄉郭城人孝廉廷瑒子幼竒警長
食餼讀書五行俱下善屬文尤邃經學時進士陳鏜舉
人陳洪衮等集對溪堂文會延勒講授十三經精義條
分縷析宋中丞犖聞其才以禮聘之勒賦白鸚鵡詩以
辭云離却金籠入翠微恍從秦隴帶霜歸不隨下里啄
紅稻何必佳名稱綠衣玉管諧聲咽曉露瓊花對影照
春暉願言太素留千古長伴西雛振鷺飛宋公極贊賞
之先是山中多虎數噬人勒為文以告山神虎患竟絕
著有詩文若干卷年四十六以目眵廢舉業卒年八十
陳家聲字肇虞別字步廬泰鄉石岐人雍正癸卯拔貢考
授鑲黃旗教習書法趙文敏妍媚清勁酷肖其神 果
毅親王聞其名召為記室時

聖諭廣訓新

頒天下學官

王命家聲書數十墨本擇其尤者進 呈

世宗喜及期滿引

見授雲南大理府泰和知縣泰和習陋

家聲以文事治之縣民皆率子弟來學宰官書旋調山
西靈邱知縣雅有循聲以事遷江南松江府經歷尋致
仕歸家聲才華敏達宦游十載不名一錢所著詩文皆
散佚惟楷書墨帖人多寶重之

劉顯祖字頴宏號寧拙州治鳳山人淵通經史久困諸生

雍正壬子始舉於鄉公車五上不第著有北游紀程客
路鶯聲築室鳳山之麓曰萬松書屋取廿二史人物褒
貶而進退之名松下史談又撰詩集名松下吟蔣太史
士銓叙其集曰寧拙之文議論馳聘橫絕似老蘇寧拙

之詩悲壯沉鬱健絕似老杜識者以為知言性豪邁遇不平事輒侃侃直陳無少隱周太史孔從陳進士鏌皆門下士也嘗以州志一書多所遺漏著艾國拾遺二卷旁搜遠紹舉州治為綱張八鄉為目書粗完旋以老病卒

朱之麟字青選號靈齋仁鄉水源人家貧力學為文矯矯自異不肯隨人作計庚午鄉試主司得其文以為西江闈中數十年僅見之作時年已五十矣一躋公車仍鍵戶授業所居近九曲流觴翠微亭諸勝日嘯咏其間以自娛著有石灣詩草若干卷座主史酉山太史及故人劉寧拙為之序

何易謙字谷詞號損齋武鄉蛟山人自少潛心學問文辭

義寧州志

卷十八

文苑

十

四百五十

力追古大家不染時趨屢試擯於有司乾隆己巳獲領鄉薦教授生徒彬彬稱盛孫澤苦志稽古惜不永年以諸生終

陳昌言字玉亭號汪津鄉賢陳郇裔也弱冠餼於庠為文沉俊駘宕有天風海濤之致嘗出已貲獨建學宮大成殿捐地瘞北郭暴骸歲饑減價平糶凡濟人危急亦不責報平生事母孝謹及沒終身慕之勿衰因州志久未修憮然曰及此不修百年後無見聞矣遂獨力纂輯以備文獻之徵由歲貢任峽江訓導弟子祛衣北面聞風興起卒年八十一舉子十皆有令聞齋豐密孫希賢自餘之驗

陳洪袞字仲補號山甫武鄉桃坪人雍正己酉拔貢乾隆甲子舉人家貧力學貫穿經史為文力追先正名重一時知州周作哲以洪袞學養純粹延請主濂山書院講席遠近從學者衆至院舍不能容候選知縣舉鄉飲正賓所著有四書講義

張禹遜字硯臯號醒石泰市人學邃行優領雍正乙卯鄉薦乾隆壬戌會試房考得卷極賞擬擢上第卒抑置明通榜授瑞昌教諭歷攝德化彭澤儒學事所至造士不倦逮任廣東始興知縣綽有政聲嘗以邑人宋南宮靖一所著坡山史斷一書漸就湮沒屬其子孫重刊行世親為校讐言而序之

陳豐字夢魚號牧臯昌言第三子嗜古力學標格灑落髫

義寧州志

卷十八

文苑

十一 四百六十五

齡即以詩文著聞與表文達蔣心餘崔念陵為友雍正乙卯領鄉薦公車屢上不第已而築別墅研窮古籍慨然舉山谷先生遺編偕同志搜輯訂正遂成全書考據處多出其手有辨疑四則識者避之任安福教諭卒於官著有探嵐聽籟之樓詩集伯兄幽字稼園乙卯拔貢授永新教諭弟鼎馳聲菴苑競爽一時乾隆二年承嚴命重修邑乘與有勞焉

劉學俊字鼎榮別字對山泰鄉寨下人乾隆癸酉舉於鄉五上公車不第遂捷戶讀書絕意仕進集晉唐名流諸法帖昕夕臨池不輟最後得懷素草書真蹟學之筆法益工構一別墅曰帶草齋積古圖籍數百茗椀爐香超心物外乾隆戊申觀察陳嵩山延請纂修郡志學俊品

端行潔尤工詩律有句云綠天庵裏饒天趣帶草齋頭
任草書可想見其風致卒年八十餘

張月鹿字登山州治人通經飭行為文悉有法度邑侯重
之歷聘主講濂山書院問業者日益衆教人每先器識
而後文藝以歲貢任餘干訓導士風丕振

徐名世字卜年號半千州治人好學能文兼工書法州牧
宋理堂集邑之士夫編纂山谷遺書校讐考据名世與
有力焉乾隆癸未貢成均

熊高福字兼五號雪研奉鄉郭城人廩生登墀長子靈慧
豪邁貫串經史百子凡書畫琴碁醫卜音律之書無不
淹通兄弟互相師友家闢活水園花木幽靜日與四方
知名士如熊鶴嶠蔣清容盛水濱汪漁亭輩觴咏酬唱

義寧州志

卷十八

文苑

十二

四百七十

有顧阿瑛徐良輔之風遊訪者造館授餐皆厚贈之乾
隆八年歲浸鄰里多乏食前後出穀二千餘石平糶減
值十之四有貸輒應亦不責償著有雪研詩鈔

鄧岳字成儒號溪山安鄉人少習騎射入武庠尋棄武習
詩書人文庠秉性正直言動必規禮法乾隆戊申鄉試
榜後

恩賞舉人年八十七歲庚戌會試

恩賞進士授翰林院檢討職銜時

恩綸新頒海內榮之岳平生教人以治心養性為本動靜交
養為要壽至九十九而卒

姚才燦字東籬號彭山仁鄉靈源人高才博學有推倒一
時豪傑之概為文雄健縱橫房考數薦乾隆庚子以本

經額限抑置副車老猶顧盼自雄族弟才鑑字衡新號
藻可力學沉思文律謹嚴以壬辰歲貢任萬載訓導伯
仲譚經講學遊其門者多俊髦時稱二姚

查林字墨西號翰園崇鄉參溪人志行修潔為文沉浸醲
郁吐屬風雅屢躋場屋由歲貢任金谿訓導誨化有方
卒於任進士蔡上翔為文以祭有云先生之來兮桐子
願得有其師先生之去兮忽乎盡白衣冠而送之匪文
與行高兮誰為嘆逝而深長思

陳惠侯字玉相別曰兩虹良塘人中乾隆乙酉鄉試壬子
部文截取知縣親友咸勸之行遂誦唐人浮名浮利濃
於酒醉得人心死不醒之句以答之詩古文辭不失先
民矩矱好引誘後進一時翹秀出其門晚年取平生所

義寧州志

卷十八

文苑

十三 四百九十

作文刪改成帙刊刻行於世

徐文幹字導塤別字筠亭泰市人少好學有俊才甫弱冠
游庠序有聲督學侍郎蔣公元益觀風閱其課卷重加
嘆賞以國士目之丙申科試考取第一選入拔貢旋中
丁酉亞元聯捷南宮授翰林院庶吉士辛丑散館改授
兵部車駕司主事文幹天資敏妙風流自賞為文獨清
真與峭深探五家風味書法妍媚詩律沉雄年未四十
遽以疾卒蔣公聞之流涕與同館作元相語曰韓愈可
惜

陳懋敬原名鶴鳴字殿班別字止臣武鄉征村人幼俊穎
絕倫讀書能通奧義應童試冠軍乾隆丙午舉於鄉庚
戌成進士時年踰弱冠風神秀朗每以未得入詞館為

歎辭不就選嘉慶四年援例授內閣中書七年加捐主事又以母老不獲供職家居日以詩文自娛倣唐初四子體皆可觀既而幡然曰吾成進士將三十年上不能報效朝廷下不能邀 馳贈於先人豈丈夫哉戊寅夏赴京鐫級就選簽發陝西試用知縣委審巨案累滯不決者盡得其情而剖雪之當道稱其廉能道光元年署任武功縣縣俗喜奢靡優娼擣蒲之戲叢集墟市敬至下令禁絕捕其鴛鴦者寘之法舊有陋規入官皆革除之任四十日而病起遂卒著有茗仙詩文集若干卷胡濬源字甫淵號乙燈武鄉帶溪人襁褓岐嶷為父鵠亭所鍾愛十齡十三經成誦十二應童試弱冠補弟子員閉戶下帷沉浸經史文宗蔣時菴器重之壯領鄉薦庚

子薦元以詩落第時論惜之丁未會試大挑知縣分發河南在部請假歸省冬抵豫署商水遇事能斷卸事攀轅歌送者百里旋告假終養己酉丁外艱服闋之豫署考城賑饑禦災以恤民馴暴為急務蘭邑蝗不入境上游嘉之題補新鄭衝繁時楚匪滋事差務無虛日濬源曰寧毀家毋累民驛有京兵入民家合邑洶洶立安撫之告病歸旅次與紳僚釣遊贈答著有病假百二韻詩愁旅賦戊午起咨回抵籍聞蠹熾從容籌備以暇鎮之訂家乘葺祠墓教子姪造就甚衆壬午奉上檄修州乘州侯致書諄請取舊志刪補訂訛題要評論質同局且就商焉甲申冬志成而濬源卒年七十有七生平多吟善書行草隸篆皆工淡於仕進又善白描兼寫米顛東

坡水墨所著有飲墨時藝三卷斗酒篇二卷楚辭新註求確
十二卷霧海隨筆十六卷隨遇草二卷行世嗣刊者韓集五
百家註旁叅闢謬四十卷雜文十二卷豫小風六卷秫田集
十四卷尚友集十卷鐵拍集一卷外集六卷志稿四卷遺忠
錄二卷歷代經籍註疏目錄四卷皆藏於家子六雲從雲會
庠生

孝友

宋

黃薰字伯仁山谷姪孫居彭姑市之東溪事母至孝乾道間洪水暴漲室與母柩俱漂沒朝夕號哭欲俱亡徒跣至武寧蒿港聞數柩隨流而下惟一柩回流入港徘徊不去居民陳姓者見之惻然繫置於桑間以土覆之薰求之果得昇歸葬焉

黃用中廣濟簿尉介之子也宋末亂起父鄉居帥鄉人守龍安山砦北兵至鏃中面如蝟不屈死之母劉氏被掠用中乘閒逸得不死及壯求母四方誓不見母不復還逾十年得諸京師遂與俱歸人皆稱為黃孝子可謂忠孝一家矣

元

義寧州志

卷十八

孝友

四百四十

夏經孫字權可縣市人隱居不仕其先世稱巨族博通經史有聞於時翰林修撰余貞嘗師事之教人以孝弟忠信為本事父竹澗公溫清起居必謹躬親調膳父沒執喪盡哀祭葬如禮有司上其事於省時余公修宋遼金三史以精通史學薦之及召而卒

余貞字復卿良肱之裔登進士歷官棗陽尹所至有善政事父至孝及居鄉四方來學者不遠千里後至元庚辰秋召為翰林修撰修宋遼金三史史成即乞歸養中途聞父喪慟哭徒跣數百里居喪以禮旋疾卒

王仕俊奉鄉人至正間立寨保障鄉民賴之與兄通兩分父產後父生庶子郁慮業漸無給將不育俊曰難得者人財何恤焉以已業分之郁始獲存鄉稱種德云

明

黃啗萬市鐵爐巷人父伯義洪武間任大使以事逮繫法曹論死啗鎖頸擊登聞鼓願以身代詞極懇切上疑其詐并付法曹鞫之事未上父子俱死於獄鄉里哀之

周銘字仲彛號可庵幼穎敏過人通詩書春秋三經痛父死絕域有司舉孝廉不就家居教授及門之士多所成就黎文僖公其一也兒時送父之官別於紫石嶺暨長經其地必慟哭良久乃去母劉氏年九十餘嗜醇醴每饌必設比就寢復請更進以為常同母弟二人教愛備至性不喜釋老冠昏喪祭多用文公家禮歲時伏臘惟節儉為兢兢里俗為變少年駘蕩者私相語曰毋令可庵先生知之素為人敬憚如此以齒德舉鄉飲大賓嘗自言曰吾無過人凡

義寧州志

卷十八

孝友

二

四百八十

所為皆僅可而已因自號可菴作可菴說以自况學者遂稱為可菴先生所著有效顰和梅花百詠詩集藏於家卒年七十有五以孫季麟貴贈都察院右副都御史

按周南山集可菴行狀有云所取友皆問學老成端謹古樸之士如西安推官王公琬江陵訓導匡公泰儒士冷公清士人陳公郇兄弟皆知已也賡和詩詞最多至今人能傳誦景泰天順成化間邑大夫禮請纂修縣志與儒士黃公邦節冷公清陳公玦同事一以至公是非不肯阿於人鄉中富豪有欲相干者毅然不許今考舊志所載惟陳郇見於鄉賢王琬匡泰見選舉冷清黃邦節陳玦皆失考意必當時隱德君子其不傳為可惜也故附著之

周淑材高市丁田里人生即失恃嫡母古氏乳之父仲舉蚤世材事母孝養備至母老不能起居夫婦扶攜向煖進食妻伴母寢供溺器者二十五年母九十五歲卒材哀毀成疾或勸就醫曰吾幸從先母地下足矣竟不藥而終

陳鳳岐字庭安郇長子也幼有器局從鄉先生周銘學立身大節性孝友母病足瘍多方購醫治之康復乃已親沒擇地塋堪輿家謂地缺左沙將不利於長岐長也乃正色折之卒塋焉仍植紫荆樹於墓前以示諸弟期如田氏友愛成化壬辰劇寇羅萬珪聚衆為患鄉邑震恐侍郎原公傑檄岐督捕岐密購敢死士躡蹤至湘湖縛其渠魁以歸原深嘉禮之

查勛已雋仲子也幼穎異父授以詩書二經悉通大義既長

義寧州志 卷十八 孝友 三 五百三十五

受業於國子祭酒頤安胡公之門公大奇之久因舉子業遂隱江湖樂與縉紳諸公游好吟咏嘗於維揚登騎鶴摘星樓有登樓長嘯空彈鋏騎鶴憑空可摘星之句善談時務因作鹽筴議數千言上之鹽臺皆切時弊竟阻弗行乃浩然歎曰進無以益於時退而青山白石寧我異耶遂卜築於修江終老焉性孝友每事務為悅親推所有以益兄弟弗問也里有誣其兄弟死獄者力為白之其人終身愧服至於輕財樂施親賢友善鄉評重之卒稱孝友先生

查孟泰號養心義民恕己側室謝氏所生嫡母王氏卧病神氣昏迷經二旬孟泰躬侍湯藥寢食俱廢父以憂其母故亦疾時孟泰年十九倉皇無計虔禱於神遂剝股肉和藥以進王氏飲而食之寐忽夢神語曰家有孝子爾疾必痊

王氏醒尋語夫夫聞喜躍而起病皆瘳郡守黃公親題孝
茂椿萱而以其事上聞部議給以七品冠帶匾旌純孝格
天併書孝子第以表其閭從兄孟富亦以割股療親疾都
憲周南山為作懇孝堂記

周彥中諱權別號宜齋幼聰敏從仲父僖敏公學業成而中
廢性孝友事父母無故不離左右及襄大事一遵家禮兄
柏為鄉人所誣代之就繫弟梧疾躬親藥物庭無間言祖
塋侵陵於鄉豪訟繫於獄積歲而得直鄉人義之鄰有忿
爭得一言居間立解其人餽謝卒不受或加以橫逆不與
校即有急來告復為營解之每市田宅必厚其值人皆服
其德量歲蝗率鄉民祈禱時有羣雀擁籃輿啄蝗食之人
以為異生子期雍成進士歷官大司寇直聲惠政錡然有

聞皆庭訓之遺也治家嚴肅有法雖童僕無敢違尺寸卒
年七十有六贈刑部尚書所著有宜齋稿藏於家大學士
李文正公表其墓曰迹公之才識行誼俾其踐仕途登廊
廟其所設施必有大過人者顧乃壽而不舒君子不無遺
憾焉嗟夫不於其身必於其子孫斯彥中之謂乎

陳孔勗泰鄉人父煥游太學祖母高氏患癰家失火勗與母
冷氏一物無所取急赴烈焰中負高出得免衣髮盡焦高
氏壽終八十六祝曰汝母子善事我必有善報云

查景元字立卿由庠生入南雍以父仲道諫南巡幾斃杖下
守杭州抑織造中貴誣謫逮官卒居常痛焉遂無宦情孝
事母方宜人義於賑饑急於公賦以例授兵馬指揮卒年
七十有八

陳以相號軻軻存之次子天性純粹不事矯飾舞象時以孝著聞閭里父卒哀毀骨立絕口不道家產事生母孫氏年四十依戀如孩赤母病親侍湯藥不假僕妾醫者謂鶴毛扇風不傷人不憚數百里製之母卒哀痛殞而復甦者再每當生忌不御酒肉思慕如初督學黃公汝亨張公景元陳公懋德三旌優行知州李公友梅額其堂曰孝友第窮年誦讀屢困棘闈售而復落義命自安善草書精詩畫通素問常施藥餌以活人有友私寄四十餘金託以後事踰年友亡相出其物原緘如故伊子不知也其潛德類如此卒年五十六

盧尚庭字孤松仁鄉盧源人孝事父母出於至性怒則跪地受杖疾則籲天代死母歿奉母柩塋水源西園離家十二

義寧州志

卷十八

孝友

五

五百四十一

里結廬墓側三年哀痛悲號勿能已常以手捫墓石石為之凹至今指痕在焉疾亟遺命從母塋水源蓋雖死不忍離其親也萬歷二十四年州庠生周存仁徐以禮余學申陳以泰周希令等呈明當事請旌詔每年給粟二石帛二疋優恤時巡按江西監察御史史布政司分守道叅政朱按察司分巡兵備道史匾旌其門曰孝行曰柏臺獎孝其長孫應秋由拔貢任浙江嵎縣令

盧氏舊譜及諸紳舊呈

周必顛字宗仁先鰲之子天性醇謹恂恂若不勝衣乙酉臘月賊夜寇城父母年老不能行顛謂仲弟曰汝尚無嗣謂季弟曰汝有子亦稚宜急去我有二子當護父母頃賊至索金不已燔背斷股其母泣救受刃顛執刃泣曰苟全吾親吾命奚恤賊不為動扭至門闕碎腦折脰以死

陳嘉瑛字容玉蔚菴長子瑰異不凡三歲能識字七歲問父曰生人者誰曰父母曰初生人者為誰父大奇之十歲能屬文學憲侯公峒曾面試補弟子員成童克順二人無他慕乙酉賊兵持刃向母瑛給以金母脫賊怒受傷而卒姚修玉字五瑞明敏勤學純孝性成年十五值闖寇衝州執父拔刃以索金玉恐父為寇傷躍出跪地願以身代約購馬以贖寇諾釋其父待二日父得馬往贖其子牽過賊營為別軍搶去寇以玉言為欺執至白土殺之復甦昇歸調護一月而卒塋七都林橋

夏仲宣性至孝母汪氏嘗割股以療姑病及姑沒夫以哭母故暴病汪氏又割股以愈之未幾仲宣父歿汪氏守節數十年仲宣敬養惟謹既而母老病劇醫藥弗效仲宣乃焚香籲天割左股肉和藥湯以進母病遂瘳仲宣因著懷清錄余應荃為之序稱夏孝子云

義寧州志

卷十八

孝友

六

五百二十

國朝

溫奇梧捷生之子事孀母至孝乙卯賊逆攻城母涂氏携女菊貞走高墩賊勢猖獗中途冲散潛藏於南姑橋深溝梧至高墩問母不見搶地呼天必欲尋母眾止其行皆曰滿山是賊何處可尋梧曰我若尋母即遇賊亦無恨奮然沿山喊哭至張義坑賊執而殺之

周京字同文必強之子定省無懈咸稱養志割股療父病後被闖獲給賊救父自墮懸崖得不死事聞各憲屢行優旌子孔德候選縣丞子角廩貢兄弟有五聯鑣庠序陳欽振字映北以納幼子少失怙遵母訓兩遇寇兵冒刃

救母卒獲俱全恤孤贈殯濟人澤物各憲廉其賢題其門曰孝友克全卒年七十子嘉宏孫懋彰有聲膠庠羅錦文寧之寔人也儻居義井巷莞然一身析薪養母每得值即市菓肉歸治饌以進歲時不輟母年九十錦文亦五十餘矣依依孺慕如初母偶不懌則蹲地作斑舞狀解頤乃已病則湯藥親嘗終夕保抱母偃僕不能行日負之出入無少倦覺温衾扇枕猶尋常事後母卒擗踊號泣依墓三年服闋寄跡山寺不知所終羅未讀詩書而孝敬出於自然州人士咸驚嘆之

熊元鳴字磐石別號持平世居奉鄉郭城舉人廷瑁父也事母至孝年逾九十定省温清始終不渝母沒哀毀骨立博學好古矜尚氣節屢試舉子業不售尋拜功曹考

滿以省祭歸里有堂弟被誣逮獄鳴恐伯獨子斬祀請自繫以贖弟歸厥後寃白而骨肉兩全鄉評重之州守李公旌其廬曰蒲輪雅望詳給冠帶以榮鳴樂善好學凡醫卜堪輿諸書無不精研求濟於世里人急難傾囊以贈有麥舟之風一日集親友於寢前曰虛冰在性往來無碍正襟危坐而逝著有矜生濟世集

許一愚字湯孫別字頑石奉鄉龍溪人康熙十七年母王氏方娠避楊寇於山中遇賊至懼為所污奪賊刀自刺賊驚散家人奔救之刃脫腹裂而一愚生王氏死矣乳養於伯母李氏稍長聞母死節狀輒號泣不止繼母張氏患瘋疾四載一愚侍湯藥不倦母沒一愚哀痛日啜粥一甌暮年始疏食終伯母李氏喪亦如之鄉黨中皆

稱曰許孝子雍正四年以廩膳生公舉孝廉中丞謝公文檄催應 詔辭不就道七年考授貢生乾隆元年舉鄉飲正賓十年選授弋陽訓導以年老辭十四年刺史許公旌表善人首列一愚於申明亭家居教授學務實踐諄諄以孝弟力行為先年七十九沐浴正衣冠無疾而逝

曹遠容西鄉人有至性繼母沉疴醫葯罔效遠容焚香籲

天割股肉煮糜以進繼母病霍然以天年終

劉寧拙拾遺

張鉅賓字遜受奉鄉湖山人庠生鄉飲大賓事親孝凡力所能為者無不委曲以慰親意親歿廬墓三年嘗客鄰邑有周某因貧鬻妻妻悲泣鉅賓亟贈銀數十兩令其夫婦完聚置義塚施棺木以揜暴露終身不倦人皆稱

義寧州志

卷十八

孝友

五百一十

為長者云

查崇德字韶五別字嵐溪高鄉赤江人積學敦行與弟崇仁字依字者性皆孝友母盧氏病癱醫者鍼之下膿血數椀崇德謂弟曰此吾母蓄血也敢傾與犬豕吮兄弟分吸之無難色當春風晴和崇德與弟以肩輿昇母出遨眺玩花柳聽田農秧歌嬉遊以快母心及母沒哀毀營壟朝夕同拜泣於墓道三年然後止家居孝友每講學夜分互相送迎乾隆戊子崇德考授貢士後崇仁亦以廩滿考貢至省垣病歿崇德哭甚哀為引柩歸塋壬子補崇義縣訓導縣士習淳樸崇德即本淳樸為教親如父子年八十餘致仕卒

冷時梅字兆鳳號惺堂仁鄉東源人為諸生時廉介自守

父蚤喪每述庭訓輒隕涕體素羸遇母疾侍湯藥不寐者累月及卒哀毀幾殆析產後弟誤耕其已分之田或告之卒置不問伯兄患疫方熾人無敢近梅率諸弟徃省親執手而訣祖宋學士覺齋宦塚在昌江為人侵占力白當事為復其華表翁仲每遇學士生日帥同族祭之祭畢具醜酒誨以孝弟之行里有不敬親者輒相謂曰慎毋令某知嘗築學舍於梅溪終日以課讀吟咏為娛子太學應元有個儻才戊午土寇惑楚匪為亂東源水源盧源諸境密邇湖南湖北界眾驚走應元止之糾健兒為巡邏並堵截隘口境賴以安後有欲白其勞於當事者應元哂曰義所應爾豈以是區區者邀譽耶少與伯兄太學谷春同受父書故孝友俱承家範子玉光

義寧州志

卷十八

孝友

九 五百二十

受祖訓領甲寅鄉薦

盧禹仁號偉人世居盧源下車性至孝其母病亟禹仁焚香籲天乞以身代未幾引刀割股和藥以進母病遂瘳子振宗復割股療母疾事聞州刺史許給順德重光匾額以旌之孫易道亦割股救父祖子孫三世皆有至行鄉里以為難能

張材成字期因別字篤亭奉鄉湖山人父漢川年四十五病歿母榮氏哀毀過情咯血成瘵醫勿效材成旦夕泣禱穹蒼願以身代疾漸瘳一日母思食河魚材成冒霜晨至河干一網而得雙鰕母素嗜鵠兔畜雌雄以備膳每進甘旨母間病哽噎投箸不食材成亦為之不食出必告反必面凡溫清定省事事必曲盡其心如是有者幾

數十年母年九十有二材成亦六十有八母沒哀痛勺飲不入口者五日浹月稍食饘粥淺窳西園朝夕守護者三年家無厚積遇荒隨時賑貸族有因貧鬻妻者倡義先親屬捐穀以贍之與兄鑑亭友愛甚篤材成未嘗深於詩書而所行動合於古鄉里稱為張孝子云

魏廷聘武鄉懷遠都人麟書子也家素貧無同父之助自少就學夕勤晷晷晝則力耕供養父患痿病聘出而樹執負之以行坐定而後事事其有怒則效嬰兒戲以取悅寒暑不懈扶持者十一年事母恭順母沒廬墓三載室處不入既除喪就試補弟子員肄業豫章十餘年每以不獲顯親為恨逢親忌日輒悲泣不自己生平束身圭璧不為齷齪苟賤之行以貽父母羞道光四年諸紳

義寧州志

卷十八

孝友

十

士追述行事呈報兩學奉 州牧曾詳請 旌表

按州方志載雷徹李行權陳廷策皆割股療親疾者班志列前明徐之禎徐師伊 國朝徐嘉達於孝行類自雷徹以下六人俱未立傳今亦無從考証錄之俾不沒其名至王李二孝子書事附藝文序後

孝友補遺

查振邦字在輿號北阿州治鸚鵡橋人明眉州府判仲儒之裔蚤失怙恃時值兵火頻仍三弟皆幼有在襁褓者振邦提携鞠育備極艱辛乃至成人又為教讀婚配宗族鄉黨無不稱之他如濟急難全婚姻修治橋梁道路力行至老弗倦故今子孫蕃衍蜚聲庠序尤徵厚德之報云

義行

元

祝寧字壽夫吳仙里人性仁厚資產盈饒歲凶輒發廩穀以貸貧者不索羨鄉人賴之更設粥斷齏煮茶市屨以給往來每歲暮擇鄉里並宗族有凍餒者量出鹽米薪炭給之君子謂其積而能散號仁山卒年八十有九

明

查雋字元凱高市人幼孤弱冠從鄉先生程翼學永樂初舉孝廉至京師以目眚而還遂號歸樵營郭西別墅構東西二樓畜古書數千卷禮致師儒訓迪子姓親故子弟來就學每資其餉時放棹犀津或扣舷而歌有飄然出塵之想嘗以故居假人斲地得金歸之雋曰是殆天以與汝者謝

義寧州志

卷十八

義行

四百六十五

不受邑子阮省醉亡賈人金賈索之急阮欲自殺雋聞往諭止之乃宣言於市曰有得亡金者以穀酬所值明日市人果持金來遂如值酬之以歸阮又嘗之野有古墓遭發掘者亟命童僕以土掩之歲歉邑行勸分雋出粟千石輸之於官復設糜哺流丐所活甚衆有司上其事隨命立石旌之卒年七十一邑人蔣俊緣情起義為之服暮周茂蔬食三月吉水劉弼服總麻祭酒胡公儼稱其美行出於自然為銘其墓云有歸樵集行於世

榮侃字正言武鄉蛟山人宣德甲寅秋冬民阻饑至乙卯夏尤甚臬司石公行勸分之令侃發積粟六百石轉運至省石公遂分以濟南新二縣之飢既而侃又運五百餘石輸於縣縣丞黎斌藉以賑濟民免餓殍事聞於朝勅旌侃為

義民立碑以表之祭酒胡儼撰記

帥志賢字伯達武鄉排埠人讀書尚義性喜施予正統辛酉歲大饑志賢輸粟一千二百石賑之有司上其事旌表其間給以冠帶蠲其徭役勞以羊酒志賢詣謝賜宴光祿寺一時翰林編修吳公節待詔沈公慶都御史張公清陳公求蕭公政等咸贈以詩文南還具載家乘厥後子孫頗知紹述前徽州守黃公誥蘇公得祿嘗顏其庭為忠孝世家以風巨室之閉糶而專利者云爾

查恕字恕已號茶溪孝廉元凱第三子有才識不樂仕進心存利濟正統六年民阻饑出粟一千一百五十石以助賑濟朝廷錫以匾書勞以羊酒旌為義民縣學鄉飲酒禮請為賓者六子孟太以孝行稱孫仲穆字一和嘗以歲饑出

義寧州志

卷十八

義行

二

五百二十

穀六百石賑之都憲周季麟為浙江左叅政聞恕沒傷悼甚人問之答曰麟自為童時訖於有官感查氏三世教愛周助之德而茶溪遇我尤厚愧無以報也及致仕歸拜其墓而銘之

劉海澄海清武鄉東潭人正統六年歲大侵飢民嗷嗷有司行勸分之令海澄兄弟屢念民艱共出粟二千石用助賑濟飢民全活無算事聞勅旌義民勞以羊酒因赴闕表謝賜宴光祿吏部議授八品冠帶鄉里榮之

查孟常字秉庸勗季子也幼孤嘗從鄉先生周銘學日記數千言弱冠究竟墳典主司試之游邑庠未幾母病劇乃謂人曰吾遺腹子母氏鞠育甚勞生不能養是天地間罪人也即日辭於明倫堂下學司為白其事卒如所請侍養焉

母病亦瘳伯兄早逝撫其孤若己子奉母志也成化壬辰劇賊羅萬珪騷擾鄉村聞孟常名過其間獨不敢入歲飢發廩以給貧餓不收券日為饘粥衣履以給丐者復告有司願為狂狴給糧至秋成乃止平生倜儻尚義類皆如此晚年即秀水傍構屋數十楹貯古人典籍延師訓子四方名士來遊者每為下榻燕會親友往復觴詠無虛日嘗自謂曰吾無以自況惟名與字差近耳遂自號曰庸齋編修程公楷為之記卒年六十有六方與文士袁公儒飲酒數行含笑而逝子長仲儒次仲道以仲道貴贈兵部車駕司郎中

劉用禮以劾義授冠帶景泰六年應陸令普勸獨修樵樓天順三年應羅令珉勸即景濂書院遺址捐貲獨建濂溪書

義寧州志

卷十八

義行

三

五百三十一

院成化十四年用禮子淮又應蕭令光甫勸重建正堂三楹中祀濂溪先生房廡露臺寢室齋舍庖湑之所咸備

胡浪字攻聲帶溪忠節敬方六世孫紹美子也紹美孝友仁讓饒富好義浪承父志以豪俠稱成化間歲比不登遂竭所藏救饑邑侯以聞授宣義郎坊表其門為尚義後以縣中學宮荒蕪捐貲修葺僉事劉仕賢嘗過其里為之記曰成化元年乙酉洪水為災饑饉洊臻雖在上者發廩設糜蠲租減賦難盡登殘才於春臺邑之人苟有樂義好施者任恤通濟於其間亦所嘉賴也攻聲胡子巖穴之士也生平儉有餘貲以周貧乏睹邑之饑惻然引為己任凡宗族中近有服者計口多少以養鄉黨鄰里遠疎者計家眾寡以給又復輸粟於官助賑其所不及竭其藏未足而益以

稱貸邑之人咸利賴焉事聞諸朝天子嘉其義詔有司坊表其門曰尚義之門拜官宣義郎往時從兄南湖為予稱道其事心竊慕之恒以無因得遊其地為恨戊戌秋恭膺簡命監察西蜀便道分寧之帶溪問訊南湖因得見所謂義門者而厥孫宇泰一峯輩咸相率以諸生禮來謁蓋喜聞所未聞嗚呼側身里巷之中乃能切痼瘼任恤之義是即與之高爵厚祿未為過區區宣義一散員豈溢美哉爰記其事以為鄉里法若夫攻聲子孫其必有大其門者矣

國朝

陳密字唐牧別字薰溪崇鄉遠溪人廣文昌言第七子性至孝有幹濟才權奇倜儻施於邑者皆大事乾隆丙子歲飢出穀平糶戊戌大飢出穀數千石以賑全活者衆

義寧州志

卷十八

義行

四

四百九十五

藩府二憲聞之委刺史達勇額旌樂善不倦丁未飢亦如之辛卯刺史邊學海倡修濂山書院密與諸紳捐金鳩工既成復捐田租百石以益膏火請於刺史增肄業生五名州西二十里有杭口橋為荆省通衢久圯密憫行旅病涉捐數千金鳩匠伐石親董其役自癸巳秋至甲午冬橋成名曰寶善刺史徐肇基為之記旋倡議修文廟密以大成殿為先人昌言建修且先世祖郇肇造於前明因與諸弟姪繼述鼎新己酉歲大府議新郡學檄下七縣一州士紳至郡密獨允修大成正殿東西兩廡及櫺星門工既竣規模闕敞甚壯觀瞻復捐田租百餘石以備修葺又於郡學東建依仁堂三重俾士子之應試者藉以僑寓時陳觀察蘭森倡修郡志中丞謝啟崑議

刻宋任淵史容季温三家註黃山谷內外別集密與捐
金校讐付梓二書成而一郡文獻足徵嘗過遠溪故居
見溪水湍急艱於利涉立召工匠造石橋一座名曰花
橋江州崔進士謨名士也為刊其著述行世至於禮賢
愛士恤貧賙困勤勤懇懇至老不倦卒年七十有七以
子希賢貴

晉封中憲大夫

榮廷彥字煥然候選州同乾隆己卯知州周作哲奉檄勸
捐修城廷彥捐銀四百兩又為其孫錫楷代捐二百兩
巡撫輔德咨部奉

旨分別議叙旌其門州學宮大成坊鳩工選石鼎新費數百
金遇歲歉傾困減糶或稱貸不責償鄉鄰稱善子萬掄

義寧州志

卷十八

義行

五

四百七十

兄弟皆克承父志孫錫楷進士立鰲奕昌武舉人以為
厚德之報

胡全法字益滄武鄉帶溪人博學多能工詩善畫乾隆丙
子戊戌歲大饑竭力捐賑百里內外無菜色甲辰春荒
絕糶乃出金市穀減價以應鄉鄰之嗷嗷自春徂夏周
給無少懈丁酉刺史徐學正曹倡修黉宮全法捐金五
千獨修大成櫺星門及文昌宮魁星閣蔚為鉅觀其文
昌魁星神像鬚眉襟帶天然造巧不假雕飾皆搜尋深
山古木而得見者稱奇協修瀛溪書院分刻山谷全集
欣相贊理年七旬宗伯萬文恪公欽其高誼親製詩文
以壽德初全法傾貲賑荒家道中落在庠諸孫曾讀書
幾缺膏火而全法不悔也嘗以產鬻人賦詩云奕葉無

荒惟藝圃千秋不賣是心田其拳拳樂善如此叔子鏞積學有詩名著桐門詩集二十卷

何曰機泰市人庠生樂行善事雍正四年捐修名宦祠凡橋梁道路無不獨力修治當事多獎重之子津字居泰號問渠乾隆乙未重修名宦祠倡建 闕聖城隍二廟壬寅訖戊申續修郡志前後捐金六百兩甲寅增置青雲門外渡船助安鄉湘竹金盆里租三十六石以贍舟子至嘉慶戊辰津子瑞臨等因公修浮橋撥助原租以供守橋工食他如犀津薰溪各渡及文塔諸義舉悉能捐租襄事

張楊斌國學生以創建社倉捐穀四百石給八品頂帶歲饑出穀數千石減價平糶率以為常脩理學宮書院屢

義寧州志

卷十八

義行

六

五百二十

費千金弟杞斌慕義如其兄知州徐肇基給匾獎之

周莢字曉初別字松園州治人少豪邁任俠有朱家郭解之風而內實恂謹克敦孝友循例入太學州刺史宋調元勸修黃文節公全集莢捐金為首倡學宮崇聖祠久圯莢偕弟琬重加修葺濂山書院膏火經理者多拮据衆共舉莢莢為塾金調辦獨司其事者八載生童咸服公平又嘗督修 闕聖城隍二廟倡立犀津薰溪兩渡州北鳳山之東有高嘴神石路最險隘與貢生王際春同召石工鑿而平之每歲隆冬遇孤寒輒施衣繇遇荒歉隨時接濟凡塚墓崩廢者必累土而封之莢性抗直言論侃侃人多敬畏宗伯鐵保聞其名書青天一鶚以旌之卒年八十二子恭軍仁安字惟一號定軒捐金數

百倡修浮橋募修考棚城垣調度悉中機宜

查承瑛字亮圖別字淡軒武鄉人少有學行丰儀峻整弱冠補弟子員食餼三薦額遺遂循例入成均讀書養母顏其堂曰學荆軒曰獨善以自况嘉慶四年援例候補訓導署安義學有衛籍貢生萬某因匿丁被訐計殺子滅跡承瑛急召之勸某自首仍力解於當事以免署信州教授捐金修明倫堂尊經閣及宮牆義路署瀘溪學諸生有構訟者諭以大義皆悅服去甲戌委署上高以年老辭性好施與嘗於省垣東湖畔買試館一區以寓族中應試生童又建堂屋於州治北捐租百二十餘石以給瞽者之孤貧刺史賀維錦撰記題曰惠疾念諸生月課無資復捐租二十四石於學宮兼修忠義祠刺史

義寧州志

卷十八

義行

七

五百一十

周澍勸修城垣承瑛首捐銀五百兩命子職員光懷督理工役戊午竄匪之變居民夜逃署知州劉光延諸紳入署議策承瑛議首宜安民次宜堅守三宜勸富戶出金募鄉勇拒敵從其計未一月而事平他如倡建文塔廣脩橋路累千金不少吝二十五年州紳耆錄承瑛義行請有司旌表中丞毓會同制府孫合詞題奏請給建坊銀三十兩併給與樂善好施字樣奉

旨依議承瑛著有淡軒詩文稿四卷卒年八十四光懷字以清號湛堂醇篤有父風因父銳意修志搜考維勤壬申歲曾設局倡修以衆議未協而止爰於道光二年捐金千二百五十兩合衆重脩命子廩生樹森鹽大使凌浩並襄其事以繼先人未竟之志

胡機字象衡號星垣泰市人少入膠庠援例貢成均涉獵經籍旁通諸子百家言乾隆己亥歲饑田家作苦至賣妻鬻子不能活機為減去田租二千餘石以紓農力嘉慶三年楚匪滋事劉牧募義勇守城機出粟百餘石以餉七年旱城中乏食大户閉糶價踴貴貧民益無所告機先出貲千金率有力者相與告糶於鄰穀價平衆賴以安其捐建學宮名宦祠及合修濂山書院犀津薰溪兩處義渡青雲門浮橋文峯塔諸義舉不下數千金有質庫經紀安徽胡某者潛逸去耗本銀萬餘兩事聞於官追同儔鞠問者累年一日某乘夜至機前請罪願就繫機見某落魄惻然曰官捕爾甚急爾第速去可免吾不爾讐也給食貲趣之行其仁慈長厚多類此年八十

二延師訓課子孫外事分毫不以櫻其念子附貢生夢麟素醇謹太學生綬德字印佩好義有父風第五子司訓秉銓字化醇號雲林捐金數百脩考棚城垣書院並總理其事以承先志

王際春字漢傳別字月亭州治人九歲失怙母劉氏訓督甚嚴恂恂儒雅年踰壯始遊州庠旋循例貢成均學宮舊有濂溪講堂久圯際春告諸母毋亟命捐金五百兩重新之中丞輔公匾旌克襄文教乾隆四十年際春惻念孤貧者死無棺因選材置槨有求必給兼贈錢米行三十餘年施棺千餘費金七千餘兩有古人拚骸埋骨之風嘗於犀津南修清遠橋游絲口修永齡橋崇鄉脩寨溪橋安鄉修姑嫂橋更名曰廣福費金千五百兩嘉

慶八年歲饑出穀平糶穀不繼亟往吳鎮買米二千六百餘石運至州減價以賑折本銀千七百兩鄉城米價一時盡平刺史陸遠亭嘉之匾旌任郵遺風十三年又荒出米千五百石平糶倡建宗祠祠成助置祀田十畝以備祭其他如修道路造義渡建儒學忠義祠及武廟文峯塔皆不惜多金共襄公事嘉慶十二年州紳耆等錄際春義行公請有司詳報纂入會典奉部議允十八年縉紳復請旌表樂善好施大中丞先會同江督百合詞具題請勅禮部議覆部議奏請附貢生王際春捐修義舉計銀在萬兩以上例應給建坊銀三十兩併給與樂善好施字樣奉

旨依議而際春已於十五年病沒年七十有四子布經歷三

錫字蒞華號燮堂賑饑施榷歲以為常嘉慶二十三年捐金七百兩襄修城垣其橋梁道路經葺理者尤不可枚舉

隱逸

宋

黃育字和叔茂宗子修口人為兒童時伯氏長善將諸兒出遊天驟雨長善問諸兒日在而雨落翁與媪相撲此何等語和叔率爾對曰陰陽不諧耳長善大喜因命策和叔馬先諸兒和叔博記覽為文辭立成性真率論事無所迴避稱獎子弟文行如出於己嘗試於有司不利遂不復出力田治生平居未嘗廢書著有文集子四公麟公虞公驥皆為進士

山谷全書

黃離字富善庠之弟皇祐進士好學尚氣節為京兆法曹將謁府賓吏告曰法曹例當拜庭下離不可解冠裳於庭而去隱居芝臺書院終身不仕子準博洽工詩有雲樵居士

義寧州志

卷十八

隱逸

四百四

集

元

熊晉孫字明夫高市人讀書尚志隱居教授嘗作梅花詩云平生不逐繁華景獨向嚴冬雪裡開時人以其有林和靖風致稱曰梅溪先生

余存庚字存耕縣里人銳志讀書子史百家皆窮究無遺築室設館為鄉子弟師其教先孝弟忠信而後及經義工文尤長於詩一時高人文士皆與之遊終身不樂仕進而卒時克仁字志民別字橘樂武鄉澣口人自幼才識過人值元季擾攘轉遷港東來山為避世計祭酒宋季安知其才堪大用薦於順帝詔曰朕奉天運恪守祖基惟以求賢圖治為急且夫非賢無以輔導有德乃可致治爾時克仁博洽

古今故典久抱經濟宏才顧乃遜跡烟霞遊情山水朕慕
高風每懷清緊諒爾常存兼濟之心詎肯固執獨善之道
須審行藏當知用舍茲遣官劉宗義特就爾居隆賜禮幣
徵赴京師以資啟沃爾其惠肯勿辜朕望克仁終以疾辭
三聘不起人稱聘君云

明

時軫字允暘號漁逸武鄉澣口人髫年時飽蘊諸子百家成
文猶夙構嘗曰大丈夫不能標名青史為五斗折腰受衣
冠纏束使足進趨起口言躡嚙誠妾婦而鬚眉耳時披鶴
氅衣乘款段馬遊名山大川以自適已而伐杉萬株作桴
浮江而下賦詩云嫋嫋東風斷復聯淡黃楊柳帶輕烟汀
沙對對忘機鳥飛狎波心范蠡船越三月抵杭州夜遇賊

義寧州志

卷十八

隱逸

二 五百

至縛軫置之叢棘中翼日御史蕭冰澗出巡過其地聞呼
聲類鄉井停驂詢之則軫也急捕獲賊數十尸諸市金玉
不可勝紀冰澗即以遺軫軫曰此不義物也竟投諸河復
携之官舍以巡司典史行酒軫曰子以富貴驕人乎吾薄
富貴不為耳冰澗嘆服遊賞西湖命畫史繪為圖遂鬻木
歸築室東山吟詩撫琴以終日兩舉鄉賓卒年六十五

周叔襄名贊自兒時服習庭訓治詩經後進師之多所成就
為人嚴毅方正不苟同於物舅氏為人訟逮獄恐貽母憂
罄資囊為解之自是家亦凋落衣粗布飯脫粟處蔽廬恬
如也去家數武有園半畝梅數株花香月色酣詠忘形因
號梅月軒卒年五十以子季麟貴累贈通議大夫都察院
右副都御史

國朝

徐相號雲崖高市人事母至孝年十五與兄卿同游膠庠有聲場屋值兵燹遂絕意功名

國朝詔求隱逸張牧申詳上憲批云該生博學蜚聲孝友備著該州既有特達之知諸生共篤緇衣之好所當列名以備薦舉相矢志澗阿以吟咏課讀為務年六十二無疾而卒子姪俱餼於庠

周必昌字雲譜別字清隱州治人有潔癖人比之米顛倪迂博極羣書擅鍾王楷法陳伯璣主盟騷壇熊雪堂龔芝麓皆下之築室東湖名飲醇亭昌與之遊嘗題詩云飲醇亭畔枕湖邊高士吟閒伴鶴眠好水好山來好友浩歌同泛採蓮船伯璣亟賞之嘗築清隱樓於屏津之

義寧州志

卷十八

隱逸

三

三百五十

上絕跡城市月夜焚香鼓琴過者無不知有高人在弟必偉字大宗號樸園與兄友愛甚篤皓首同居奉母終身以詩文酬唱為娛

熊廷幹字貞夫鄆城人天姿秀發藏書萬卷日以誦讀吟咏為事與給諫周希令孝廉王天發往來酬唱工書善畫樂志林泉著性華草十卷順治辛丑卒

善士

宋

章庭字名揚石覲人石覲與雙井阻一溪黃山谷在雙井庭無三日不來謁來則踞呼劇飲夜醉驅馬涉溪而歸山谷家有急難庭則竭蹶趨事鄉有鬪者必揚臂於其間排難解紛使皆意滿謝不直而去山谷嘗評其人似長安大俠高陽酒徒家有追遠堂徐忠愍嘗題其壁山谷過宿書其後即世所傳書徐德占題壁後也庭死山谷在戎州聞之出涕而為文碣其墓

山谷全書

明

劉孟芳泰市人有才識好積聚書史詩畫時羣盜大掠於市輒揮金與之卒免害湖湘劇賊逼境官司檄捕之即以計擒其渠魁屢獲嘉獎居鄉恂恂橫逆不校終身無訟鄉邦賢之卒年五十有五

義寧州志

卷十八

善士

四百五十一

石勝卿高市人涉書史善岐黃之術遇有貧者遺其藥不責報活人甚衆州守蔣欲召見之謝病不往乃親造其門禮請為鄉賓卒年八十一司寇泉坡公為文祭之有曰溫溫之德不暴而彰斷斷之行無欲自剛又曰大璞不斷真金未鍛蓋嘉之也

陳潛仁鄉人幼嗜學事繼母孝敬備得二親歡心里中有遷怒被以惡聲者輒從容數語其人忿遂平事亦終釋族有爭繼嗣產者即割田百畝謝曰產非已產願得義讓何至直於官邪其處事之善多類此富而好禮捐貲修濂溪祠製文廟祭品諸文士嘉其號為履實邵太僕書其詩于

卷

榮景華奉鄉人孝友誠篤父患惡疾起居奉養終歲靡懈喪
塋一如禮弟早亡分田宅贍其婦卒成全節鄉人有稱貸
者貧甚則不責償游惰者勸其務本業自奉甚薄宴客洗
腆無所吝至於興水利正俗染治家嚴整綽有古風卒年
七十有三

劉昕武鄉人居鄉有賢行歲歉出穀助賑里中有爭訟者咸
以質平居喪不事浮屠悉由文公家禮年八十舉鄉飲大
賓著有野鳴集藏於家

辛泰市人性狷介寡合於人事二親以孝稱奉例輸粟授
散官沈駕部述其行董太史為文稱其雅質不斷給賦稅
外足不一至公庭其言若不出口行於家而家之人宜之

義寧州志

卷十八

善士

二

四百五十五

行於鄉而鄉之人宜之有所利於人未嘗與之爭有所平
於己未嘗直之訟時稱為善士云

周自勉泰鄉人少讀書知大義厭時俗浮靡敦尚古樸言行
不苟雖燕居必正衣冠馭子姓以家法與人無競人亦不
忍相犯有司請為鄉賓

劉仲堅高市人天性孝友恂恂質行士大夫多敬禮之舉鄉
賓居常簡出入教子惟嚴知州牛贈以詩云隱君從不識
官府自合休徵屬二郎卒年七十三

鄒啟詔泰鄉人幼孤事母孝好行陰隲病施藥死施棺塋其
不能塋者百餘人嘗見暴骨於野亟舉藁裡掩之夜夢有
人來謝云深感清宵一夢中居鄉有禮縉紳先生咸為文

褒美

徐來原名加言字信之經歷鄆卿之子也少穎異絕倫壯負
奇氣慷慨卓犖初受知於知州錢公吾德與其子繼登者
賞奇析疑為詞壇密友壬子科為房考所賞力薦第一以
爭元而棄乙亥歲薦廷試大司成特錄入闈復不售歸家
築室於犀津訓迪子姓著有家訓約編 文廟向覆以平
瓦捐金造筒瓦易之貧士來學不較束脩大義所在面折
不少阿素為臨汝揭重熙所賞有寄懷詩云豫章名區產
魁嶇龍圖老子媿文節昌厥裔孫奮奕葉為漁涸澤焚山
獵曩同燕遊問大業妙理霏霏琢玉屑紛紛餘子不相接
感慨悲歌誰共說獨與祖穉為昭揭瞻茲毫素藏風月官
佩義義向北闕領偃蒼虬肘如鐵年積逾新欽俠烈

徐一位號素菴高市人生而穎異弱冠遊庠家素封位處之

義寧州志

卷十八

善士

三

五百三十

淡然蚤失怙事嫡母如生母事兄克恭襟懷灑落博極羣
書嘗築館藏書為遊息之所嘗夢紫陽夫子遂取以名其
園生平慕義好施足跡不履公庭人謂其有守云

周繼文號景南泰鄉橫安人性敏好學過目輒記屏絕嗜慾
動履端方其誨人也誘掖不倦寒暑不輟遊其門者蜚英
如林常客館於外未與鄉試遂以增廣生員終享年七十
有九

陳以慄字寬而存之季子天性孝友父常嘉其不教而善長
餼於庠改入成均父卒哭幾喪明平生言笑不苟州守黃
公文麟甫下車改容而禮嘆為有道氣象助修黌宮置祀
田隣火及其居家人驚竄不遑慄儼衣冠顏不少變終身
惡言不出於口情容不設於躬卒年七十三塋雙井桂竹

竭余應荃為之志

張侍臣號秉忠黃田人性聰敏目下十行耿介以直名著與陳軫軻寬如為道義友樂善好義家本清約竭捐四十金助建文廟以毛詩應崇禎丙子歲薦未仕而卒

王公錠奉鄉寨里人孝友敦睦性好施予給葯活人教四子成名後曾孫質卿以春秋中丁卯鄉試闈內聞葯香數日房考詢之嘆為德報之驗弟公綽富而好禮歲饑設糜施履以給貧之晚年優游詩酒尤善草書年六十九舉鄉飲有雪梅遺稿藏於家

王公侃孜孜樂善解忿周急母老每食必親進孝敬未嘗少懈嘉靖間州守朱公孫炎范公晉卿以篤志孝友兩舉鄉賓年九十而卒鄉黨咸仰其古風焉

義寧州志

卷十八

善士

四

四百八十五

王子閏號渭溪性仁厚善事其親尤孝於繼母友愛諸弟嘗於科試畢以所撰家規呈於太守范公涑曰可教俗刻布合屬匾曰仁里遺風州守蘇公得祿亦獎以淳義弟子棟嗜書能詩敦已範俗常施葯給貧病例賜冠帶年八十九而卒

冷一聘字隱吾仁鄉東源人心地光明克敦大節居家整肅生平無戲言妄語非疾病不解衣冠每遇義舉毅然為之有族姪負貲以田為質希時值聘倍價以償族人聞風亦為感化州守方沆匾其堂曰木天善齋胡公如川特舉鄉賓卒年八十有三初艱於嗣三禮武當年六十一夕夢武當神賜以子明年果應人謂積德之報云

朱國竒號常石世居泰鄉之橫安少聰穎負才不偶以詩酒

自娛年七十承歡九十之母日引羣孫環遶膝前母為解
頤平生周人之急濟人之危好義急公為鄉鄰倡刺史張
公旌其廬曰懋德發祥舉鄉賓卒年八十有二其冢嗣正
經仲正綸孫天保天申天中心堯皆著聲庠序

州方志曰寧鄉獻彬彬傳不勝書如奉鄉王克中克平泰鄉
鄒玉後山余黃州市劉杲陳仁德徐正剛仁鄉陳渭陳溥
皆孝友無間其潛心理學善養母而周濟鄉鄰者周孝廉
存性也割產分庶弟還妻不問資財者查貢生國麟也以
母老終養勢利不入於心者例授光祿署丞陳諧也登大
耄膺冠帶者黃土嶺陳由教也王尚爵賑饑置義塚以禮
教子孫梁曰修制行古樸余懋有子功晟功昂高年耆德
並集一門主簿劉源注弟經歷源宗源派居官居鄉咸稱
義寧州志

卷十八

善士

五

四百八十五

長者未便湮沒故附錄之

國朝

周孔熙字敬之明司寇泉坡公之裔孫也生平慷慨有大
節尤博學嗜古時太守葉舟來寧追宿逋括富戶代墊
凌虐士類逃亡過半熙獨面折不為稍屈鄉里德之後
以兵火頻仍絕意仕進卒老於鄉

余嘉袍字龍章州治後山人剛毅明決值州胥襲前明故
智狼狽為奸依憑城社中害良善眾莫敢櫻袍獨以正
氣直言挫抑之胥稍斂跡民藉以安

劉日章字卓如號素菴高市人生平慷慨有大志學問淵
茂幹濟多方應康熙辛未歲貢子璟孫銓鑑鎮皆著名
庠序顯祖中壬子鄉試

徐以南字思容犀津人天姿岐嶷博學善屬文試輒高等
晚耽山水娛情烟霞應康熙癸未歲貢子勳姪達孫舒
俱遊庠

溫體元字天石上坑人姿性敏慧瀟灑不羣娛情詩酒尤
嫻音律試輒冠軍應康熙戊寅歲貢授吉水訓導未任
而卒

萬選字濱公號梅川仁鄉梅店人幼嗣胞伯士熙天性孝
友承顏悅志踰於所生長饒於庠康熙己亥選貢與人
和平藹如春風年七十六一日肅衣冠訓子弟娓娓正
論因遂絕粒衆勸之食愉然却曰天地以本無者付我
我當以本無還之子意良厚毋苦我為越旬端坐而逝
何曰恭字允肅州治人品行端方學問深邃屢試前茅應

康熙癸未歲薦鍵戶著書一夕與子論文夜分就寢無
疾而卒

陳文捷字左之髫年遊泮束身圭璧居家孝友研究經籍
兼諳天文地理屬門牆者皆一時俊髦七試棘闈未售
以明經老恬然自得無纖毫芥蒂於胸中孫曰縉曰紳
俱有聲學校僉謂積行之報蓋未有艾云

熊逞祥字淑宣號南谷奉鄉郭城人順治十七年舉鄉飲
大賓向例寧州漕米官徵民解逞祥以老成為糧長撥
運南漕克全公事而還康熙元年奉

旨清丈田畝邵刺史舉為清田鄉正逞祥甄別上中下三則
之法無毫髮爽甲辰冬葉太守按州催徵逋賦逞祥憫
貧黎一時莫措即慷慨倡首亟捐貸之丙午春逞祥寢

疾召子孫訓戒取笥中券聚而焚之貧民皆德焉

張烈字芳漢輕財任俠補武學生雍正元年奸民王本習

聚黨倡亂由瀏陽侵入銅鼓營烈出家貲募鄉勇先後

捕獲甚眾時官兵雲集因山嶺高峻艱於糧運烈復助

兵糈百石就近接濟當事咸義之

府志

羅秉燮字水萬西鄉人性好施子修橋路施棺木率解囊

以助所居地勢高亢田常苦旱獨出數百金疏鑿廢渠

立隄堰自是水澤沾足制臺黃旌為善士列名旌善亭

州牧許旌以民之楷模匾額卒年七十有八

府志

袁繼照字次君號明憲武鄉東澣人增貢生性好施予嘗

分已產以益二兄遇歲饑先出穀減糶有余某者負逋

賦將鬻妻以償繼照為代償之兼恤其家州治大堂圮

義寧州志

卷十八

善士

七

四百七十五

損貲倡修以餘材葺濂山書院雍正元年

詔舉善行學正危彬以繼照應舉未行而卒例授明經以孫

珥貴 贈文林郎子太學士聰庠生安邦以子珥官

贈文林郎貢生秉正太學士錦大猷兄弟襄修 文廟

及道路橋梁秉正又置義塚於犀津南黃樞嘴州牧宋

旌以惠流桑梓

胡果玉字能茲號毅菴帶溪人父師謙康熙戊午己未連

旱鄉村薦饑施粥衢亭以救荒貧民賴之州守班公旌

以樂行善事匾額果玉有父風生平厚重樸實慷慨好

施凡遇義舉無不解囊凶荒無不救濟人稱世有陰德

云乾隆己酉以孫濬源官加級請五品

封典

誥馳贈奉直大夫子六全月霽雲霞霏霏皆有聲士林

涂鳳伯別字丹亭高鄉人性寬厚好行善事凡施棺造渡賑貧濟饑求者必與乾隆九年刺史許萬棻旌以善積慶餘有徐某者以田租百餘石質貸鳳伯金數年未償徐某潛以租田售於周姓詭向鳳伯索補典值急不得已乃訟於官官勅令徐某追償其穀徐窘迫無計將鬻妻以償之鳳伯不忍轉請於官願讓所償以全其婚刺史許淵嘆曰汝真仁人也遂以義讓可法善行可風具文請於制府黃旌為善士給八品冠帶列名於申明亭張渾字尚樸號噩齋奉鄉國學生乾隆丁丑捐修州城工竣議叙郡守李縉旌以義著金鏞又助修學宮知州徐肇基獎以義孚庠序承父志接施棺木歲歉捐穀以濟

義寧州志

卷十八

善士

四百八十五

里人善之

府志

胡聖緒字硯仙崇鄉人廩貢孝友敦行樂善急公乾隆丁丑獨力捐建尊經閣費及千金學正李孝滄作記泐石

府志

熊勃字次甯郭城人嘗捐銀千兩修學宮存義田為歲荒平糶之用值水漲設筏以濟往來無病涉者

府志

何清字秋容號省齋泰鄉五都人由廩貢選授訓導不就乾隆九年獨力捐建州城隍祠嘗助常平倉穀五十石以備荒賑每歲給養濟院孤貧穀十五石郡守積善旌以心存利濟州牧許淵列名善士於申明亭子本字左丞號松園選授縣丞以親老辭

胡琳玉字公濟庠生舉鄉飲題旌善士乾隆二十三年捐

輸義倉積穀巡撫阿思哈咨部議叙

恩賜八品頂帶子宏義行有傳

胡嵩梧泰市人捐建護仙橋渡並衝路茶亭施棺木以賙

貧乏乾隆二十年舉鄉飲介賓

府志

何松字庚眉號麟木泰市人歲貢生行多義舉凡有益鄉

里之事無不踴躍倡修學宮獨捐建

御碑亭乾隆庚辰歲歎率先捐社穀為衆勸人咸德之又出

資修南昌府考棚及本州濂山書院歷任知州皆褒以

匾額子七恭字允謙號雲門端方靜穆以諸生

欽賞翰林院檢討光曙奉化典史

杜良煥字殷輅號墨田田浦人少為諸生力學有聲庠序

萬文恪公從學十餘年深得其講授之力嘗捐金襄修

義寧州志

卷十八

善士

九

四百八十五

忠義孝弟祠乾隆三十八年與徐名世陳光裕又蕃宜

炳宜燦鄧岳張月鹿熊學芳幸瑜查文顯承寧周名新

杜鼎何洪圖等修葺洪都試院捐貲經理進士徐耀祖

撰記嘉慶乙丑年逾八旬 恩賜翰林院檢討路過山

左時文恪公方督學按臨招集僚佐郊迎宴勞賦詩以

寵其行有句云十年門下勞金管八座尊前話玉堂士

林榮之

胡荷捐修州之高橋頭苦竹嶺石道以便往來乾隆二十

五年舉鄉飲

府志

榮萬掄字海文廷彥之子貢生敦行力學尤樂施予乾隆

丁未米價騰貴鄉人乏食萬掄出所食穀碾米減價平

糶鄉里德之

府志

胡全雲號素堂帶溪人賅洽經史隱居教授子姓皆敬畏之性喜周急救困遇歉歲輒感然曰人皆枵腹我獨溫飽能安乎遂罄所有以賑之州牧程舉為鄉賓旌以憲典乞言卒年七十三子孫遊膠庠膺介賓者十餘人

饒禧字衡士安鄉人早歲入庠力行善事凡周濟貧乏修

建橋梁每爭先為眾倡人亦重之舉鄉飲

府志

方學齊崇鄉人好義樂施凡橋梁道路每獨力捐修乾隆二十七年州修城垣學齊捐銀二百兩以助工竣議叙

府志

胡全霞字赤文號彩堂鄉飲介賓武鄉人好善樂施乾隆

癸亥歲歉米價昂貴出積穀減價平糶且賑且貸州侯許公旌以尚義可風乾隆二十三年捐助社穀州侯周

義寧州志

卷十八

善士

十

四百七十五

公給匾心存惠濟州屬有永安橋界連新奉要衝獨力建大石橋糜費千餘金往來稱便又於本里修建許真

君殿歲久傾圮子起鰲重修

府志

張達字孔兼別字柏園奉鄉湖山人太學生沉毅有識量性樂施予乾隆丁未歲大饑達出積穀碾米平糶貧窶來求食者計口以給之後屢遇歲歉賑貸不少各鄉曲忿爭者達排解之皆抱慙而去如橋梁道路隨時應濟不著姓名人益以是高之卒年八十有八

胡全霽字公璘號皜亭帶溪人例貢生平生懷仁好義樂善喜施乾隆癸亥丙子乙酉乙未戊戌辛丑丁未歲大荒每半價出米質貸不息施粥救饑多所全活高嶺五溪帶溪清溪南嶺八疊東塢聚裡各處橋梁道路屢獨

捐修州治犀津并薰溪義渡邀好義者合買田建置以濟行人學宮

聖廟及京都會試公館捐銀崇修南山崖文塔合股捐銀鼎建買田創立書館以鼓士風己卯捐修帶溪忠節公祠又製備祭器捐租田供蒸嘗以教孝敬佛堂山五顯廟捐租田助社戶賽神之費以舒衆力乾隆庚子七旬州守達公親製屏文併品以持躬有道義方有訓允為士林矜式云壽七十九子六輝宁滙澄湧濬濟源以子濬源官河南知縣加三級請

覃恩

誥封奉直大夫

胡起鰲字掄及號鎮齋例授州同全霞長子仗義急公尤

義寧州志

卷十八

善士

十一

四百九十

喜施予每遇歲歉減價平糶鄉里德之當事旌以義洽淳風義以為質諸額壽七十好善彌篤州牧李公給匾挺秀垂蔭協修濂山書院州牧邊公旌以義重儒林建學宮內鄉賢祠州牧徐公旌以義孚庠序又修本里崇真觀併增建鎮興書屋每歲延師以課子姪壽八十而卒子立和貢生鄉飲介賓夢祥庠生例授衛千總履祥附貢生鄉飲介賓孫曾蔚起疊紹書香人稱為善之報張起鵬字載烈別字南溪奉鄉湖山人國學生至性淳慤事父母愉婉以敬跬步不失兄弟七人藹若春和平生以利濟為心遇塚墓暴露者必遣人負畚鍤修培有古人揜骼埋胔之風貧病者率親為脗症製方贈藥歲歉貸穀者與之無力償者貸仍與之或疑其傷惠起鵬嘆

曰周急濟危行吾心之所安耳惠何有焉鄉里咸重其量

鄆明泰字開文武鄉田浦人性喜周急濟危歲歉率減價平糶兼施糜粥於塗立義學延名師教族里子弟存心正直遇事排解人多敬畏乾隆丙子舉鄉賓州牧方公應元旌以言坊行表周公作哲旌以德與年希季子福字五禧幼靈慧讀書村塾鄰與以果福必懷歸以遺母凡有善事必樂行之仍歸美於親築家塾曰愛梅有句云梅花果修到與我話三生癸丑舉膺介賓郡守李公旌以傳經裕後

李嗣宣字班孟奉鄉龍坪人庠生舉鄉飲居界新昌奉新乾隆癸亥歲侵兩邑奔集告糶傾困平糶全活甚衆凡遇荒歉周卹皆如願以償當事旌以尚義可風子四耀唐輝增廣生煜貢生燦監生好義均有父風丙申合修學宮萬仞坊道光四年後裔復修

王斌字懷瑾號桂村奉鄉碧溪人由武庠例授武信騎尉乾隆戊寅捐助社穀奉部議叙郡守積公旌以義著梓里壬午捐金修城州牧宋公旌以善可風俗乙酉歲饑發倉穀一千六百餘石減價平糶州牧達公旌以安車待詔卒年八十

王朝傑字魯玉奉鄉太學生乾隆二十一年捐助社穀四百三十石奉部議叙乾隆四十五年捐金三百倡修寧州會館於京師以子瀾官贈文林郎

劉象純字勝階號立誠奉鄉吳仙里人性喜施濟嘗於里

中建石橋三曰仁壽曰火石曰永貞皆命其子國學考
祥職員逢吉總理而勸之及象純沒考祥承父志捐
施茶田十餘畝於擦切嶺福田寺以濟行李之渴慮安
鄉為往省通衢山水陡發橋梁立壞乃累糧越境鳩工
伐石首修彭橋再修簪竿墩永濟橋費累千金刺史陽
浩然旌以利濟培風復撰記以磨諸碑所居上下十里
奠修條石峻切皆成坦途又自樟源至桃樹嶺四十里
竭力修治堅實砥平考祥既沒子貢生照乙亦能慕義
急公如文塔浮橋城垣試院悉次第襄助有祖父風

張遴字約千號禮堂奉鄉湖山人由太學授州司馬善六
書工詩律生平勇於行義每遇歲歉即減價平糶尤精
醫術凡疾病求治者輒贈方藥並給以飲食病痊而後

義寧州志

卷十八

善士

十三 五百一十

去又善治目疾獲愈者多其貧沒不能殯殮者皆施以
棺槨棺滿百口必建齋醮行之四十餘年不倦人悉以
仁厚稱之喜延名師督課衡甲乙優獎資歲以為常道
光四年州牧曾匾旌為善於鄉子問明字旭蒼亦能施
棺賑饑與弟問行友愛純篤皆庭訓之貽也

冷光廷字士紅號惠菴太學生仁鄉東舉人少失怙恃終
鮮兄弟勤儉持家粟積鉅萬每遇歲飢穀價日昂光廷
不忍貴糶聽貧者來質雖敗絮敝裳亦得藉資饘粥延
生至秋成取質計本利不過春夏糶價之半貧之實感
之遠如平江通城崇陽通山各縣俱來質其有貧甚者
還其質不音償事聞州牧周公作哲題其堂曰心存惠
濟乾隆中捐修

上諭亭又獨建學宮梯雲門凡杖義急公敬祖睦族周貧恤困事無不樂為厥後數世濟美人以為天報善人

朱晚成字斗占號仁亭仁鄉上三人父庠生邦彥蚤喪母冷氏守節撫成之弟又不壽晚成哀慟幾死後撫猶子如已出凡事必稟母命而行性好施予乾隆中捐穀百數十石繳存常平倉自丙子連歲饑荒減價平糶本境及平邑來就食者設粥以濟州刺史嘉以惠及閭里德厚流慶匾額他如捐修

聖廟露臺瀛山書院山谷全書 京城會館查市萬壽宮及義渡悉慷慨襄事無難色子錫衮號坦垣貢生樂善好義為祖宗護邱木置祀田以帥族人克承父志孫學宗領壬子鄉薦分發雲南歷署嵩明州保山縣事學家例

義寧州志

卷十八

善士

十四

五百

授照磨文塔考棚書院捐金襄修

榮潤字澤遠號濟霖奉鄉烏石坪人幼醇謹甫七齡父病篤默禱於神至夜分家人呼之寐不應微聞其喃喃有願代父死之語父沒哀毀如成人及長勤學不就試人怪問之曰吾母熒熒抱隱痛敢頃刻離左右也故自髫齡以迄耆年依依孺慕平生和氣藹如喜行善尤喜勸善課諸子必嚴以禮法常誡之曰汝祖光策公試冠童軍未售抱憤以終吾以事汝祖母故廢舉業盖有待於汝曹之成先志也由是諸子益勵於學聯翩遊庠次子錫鵬舉嘉慶戊午鄉試宦浙著循聲長孫懷藻成道光癸未進士識者稱翼貽積慶之徵云

韓光墀字燦廷泰鄉軍田人以勤儉起家性好施予嘗捐

金六百餘兩倡修宗祠於亥市祀昌黎魏國而下數十世居近葉暘渡輸金造船以濟往來捐田四畝備補修贍渡之資嘉慶九年襄建州治文塔復倡建泰鄉天馬文塔共費金六百捐助印山書院膏火田十畝他如城垣考棚浮橋及學宮東廡諸義舉累費數百金皆隨聲立應嘉慶三年公舉鄉賓子國學作謨字顯周孫明經文郁叅軍文邠俱能急公慕義有任卹遺風

張遂字勝歡號松湖奉鄉湖山人太學生仁厚寬和每遇歲饑以穀貸貧民出用大斛益之入則用小斛減之不計子母之權貧無力償者焚其券精醫施藥解囊釋紛至耄年不倦

劉躍龍字壽先號友松武鄉脉灘人四歲失怙母張氏苦

義寧州志

卷十八

善士

十五

五百

節勤勞而教誨之躍龍性謹愿皆委婉順從及長奉母命經營貨殖家道日隆益銳志好義乾隆四十八年修墨村石橋費金數百有奇嘉慶十二年捐修脉灘贍給舟子十四年修脉村路二百餘丈其他善舉亦稱是族有與訐訟而婪賕無已者及既老且貧仍調恤以終其身躍龍年八十由國學循例授衛守備子孫曾元五世一堂子學廉積學能文著有拱秀編諸孫貢成均入膠庠者九十餘人卒年八十有八

胡澄源字耳偕別字平軒武鄉帶溪人性敏達事父全霽克贊善舉督課諸弟登文武乙科及年偕耄耆益友愛有司旌以壽愷重芬著考禮便覽為家範修祖宗祠墓復捐產以永祀事戊午聞州警能捍禦以定衆志人獲

安全歎歲輒平糶以濟鄉鄰嘗自著平淡圖說以省畏
二字銘心即以名堂平居喜博覽精劈窠書及篆隸兼
能辨古墨跡真贗以子友梅貴 贈修職郎年八十三
遺命子友梅友芳捐武鄉交山田三十五畝以備生童
卷貲士林嘉賴之

徐林字如茂號喬松安鄉塘下人樂行善事遇荒歎召集
鄉里開厰廣卹乾隆三年捐泰鄉田租十六石贍給南
崖義渡子庠生受暄字益彰克承先志乙未都人士重
修學宮受暄倡修西廡復捐金千餘建立泮池石橋州
牧徐旌以泮沼重光

查經字益謙號虛齋州治國學生性耽風雅為人落落有
奇氣乾隆癸巳董修濂山書院乙未倡修學宮忠義孝
弟祠克壯前觀捐穀社倉置田供祭族黨推重以子承
瑛貴 贈修職郎季子承璋字贊廷號素菴孝友純篤
嘗捐田奉祀賑貧恤困有仁讓風

李際春字東昊號梅窓奉鄉龍坪人少習舉業工吟咏循
例貢成均事親養志外惟以詩酒酬唱自娛乾隆中捐
金董修學宮州牧徐旌以義浹芹香著有梅窓詩集十

卷

梁玉字楚濱號韞山崇鄉官溪太學生嘉慶三年楚匪焚
掠陳坊等處王家石馬嶺甚近獨捐金粟募鄉勇數百
人堵扼於大石口賊不敢出境繼而官兵進勦陳坊文
武員弁絡繹往來玉亦量為供給事平郡府蔡齊明旌
以急公尚義

陳希鏡號鳳梧安鄉石梁人少孤事母至孝母病卧床禱者年餘希鏡日夜扶持抑搔無頃刻怠比卒哭聲不絕哀毀骨立每念母氏二十年撫諸孤之苦雖終其身沈痛不釋性剛不偶俗而篤於友誼自少攻苦力學以母沒遂棄舉業嘉慶癸亥由太學舉鄉飲介賓訓子姪常以踏實地留餘地為言鄉里欽為守道君子焉子四爾烈領嘉慶戊辰鄉薦

龔禧字待聘號純圃安鄉貢生以子旭官貶贈修職郎性純篤事父顯愛敬備至顯字如金太學生居家以孝友稱禧平生尚義樂施與乾隆乙未倡修學宮西廡嘉慶己未修毛竹大灣諸山驛路州牧楊煒撰記以嘉之獨建考棚大堂費金千兩捐租贍梅山義渡襄修文塔浮

橋丁未泊癸亥歲饑出積穀平糶遐邇賴之弟叅軍祥字燦雲號海峯亦急公慕義克遵父訓道光二年州紳公請郡守繼給匾獎勵顯旌懿德嘉行禧旌嘉行足式祥旌孝友可風

彭秀萬字錫圭號筠莊仁鄉人居洪源苦學積行為名諸生歲授徒得館穀輒奉甘旨以養親闡薦屢蹶刻意訓子慶楠翥雲姪承恩皆餼於庠以詩文名於時里黨秀俊之士來學者力為講課不索俸鄉鄰以曲直來質者必面折之咸愧服故所居里數十年無訟事著有寧乘考正紀黃遺事道光二年郡守繼匾旌望重一鄉

魯大治字燮成號理堂高市人由太學例授州同溫厚和平與人無競亦不妄言笑乾隆丁未歲大浸饑民沟沟

大治出穀千餘石減價十之三平糶以濟戊申六月大雨水暴漲冲塌廬舍時大治母張氏歿殯柩在堂舉家避水大治伏柩慟哭依依不忍去卒無恙其葺治橋塗贊修文塔率多義舉無少恡鄉里稱其有長者風

余谷春以字行號甫堂泰鄉梁口人性淳厚寡言笑襲其封翁執齋腴產賑貸以蘇貧困初執齋歿所存債券約萬餘金谷春召負者至告之曰吾為若等周全願還約券以彰先人之義負者喜謝拜而去嘗捐金倡修泰鄉天馬塔印山書院落成復捐租田十畝以供膏火又建橋梁義渡立茶亭以利行人九州中義舉皆隨時慷慨及病將沒檢篋中債券約數千金聚而焚之曰吾不欲益子孫過也以子光縉職贈儒林郎

義寧州志

卷十八

善士

十八

四百九十五

周大福字孔皆下武鄉田浦人幼失怙母羅氏守節州牧許萬玠旌以貞操冰潔大福撫弟順親析產讓弟多一倍為人厚重端方凡善事必力行之乾隆丁未五月間新舊不接居民乏食大福減價平糶族中貧者計口給穀不索值鄉里宗族皆德之子太學秀升佃儻能繼父志

石萬川號東溟高鄉石家礫人淳厚質樸與弟勝捷祥友愛甚篤一門之內白髮怡怡子孫曾元五世同堂內外肅然萬川年九十五膺冠帶妻盧氏年九十二男婦二百餘人猶合爨傳餐五世同居子成玉太學生孫寶嘉慶甲子武榜亞魁曾孫韻清太學生凡遇義舉樂解囊欣助治家尤有法度農桑誦讀各有專業雅有義門之

風

吳學成太學生仁鄉上源人好行善事州西燕子崖路十餘里甚崎嶇其沿河最險者路仄不踰尺上有絕壁頑石凸出礙肘下有陡岸百尺俯瞰深淵稍失足遂莫問已學成鳩工鑿山凡碍道巨石悉剝削之經營彌年累月俾十餘里崎嶇夷為坦途行者甚便之兄徒梁捐修梅店石礮姪儀賓亦於要津修橋兄弟叔姪家非巨富橋梁道路隨處捐修不可枚舉所費不下數千金而道旁不豎三尺之碑並不求當事一字之獎其諸好善而不好名者與

補遺

寧之人物劉侍中鄧太守見於漢書尚矣志稱宋時徐黃余莫宋祝冷章八世家今攷莫祝章僅有存者宋氏季安外無聞焉即著姓如黃尚不免缺遺則自八家而外他姓之湮沒不傳者豈少哉夫忠孝節義聞揚尤亟忠義如元之毛仁可胡宗武諸人明之蕭良國初許文龍冷朝旭孝行如宋之黃用中明之查孟泰盧尚庭夏仲宣國初許一愚舊志軼其姓名或書姓名而不立傳今為搜求遺事依次補入正傳其他政績文章之可考者亦如之間閱方志舊帙後有抄寫十數頁考其時均明季耆舊方志既不及載班志卒缺之茲從斷簡中按其文稍完者補錄焉

杜汝益字希進性狷喜讀書舌耕者廿年敦行孝友風於族黨如親姪國鏜割股受兵使者石公漢褒異亦其券也居去州治數武不一履公庭有二姪婦少寡汝益憫其亡嗣令之母家改醮娶者以若翁沒相繼納幣於汝益越年二人繼至汝益出幣還之封識如故家故負後三子長成稍有擔石儲為楊某者貸去願以身償遂焚券無何楊窘甚思鬻妻汝益以子庠餼助之得完聚萬歷丁巳州守陳公禹疇下車訪遺逸引躋賓席

陳達夫安鄉十四都清涼人也有質行自少學問明易義比長厭薄榮利恬情邱壑好施予存恤一方有德施焉萬歷三十七年歲大饑數米如珠有司勸分之政不遑寧處達夫募輜車輸粟之餘七百石入州倉分賑民賴

以魁

榮汝誠字鳳岐別號樂安居士少業儒天資明敏子史百家地理天文醫藥卜筮之書靡不通曉尤長於詩著有樂安居士湯稿貧而好施每歲給粟給藥全活窮民甚衆郡侯楊公文林深器重之舉鄉賓壽官卒年八十榮息字伯學天啟丁卯歲貢踐履端方州守石公漢方公沆欽其學行性至孝事繼母徐氏甚恭謹其教人先孝弟忠信而後及經義出其門者如陳上舍以森劉孝廉仕鑰榮明經端士皆其選也年踰古稀四壁蕭然鄉里益服其清操

周希讜字正之僖敏公曾孫廩於庠能文章事親以孝聞其父少峯多疾每侍奉衣不解帶處昆弟四人甚友恭

義寧州志

卷十八

善士

二

四百五十一

訓子姪率以禮讓相先平生鯁亮介特鄉族稱之

徐一章字美甫天姿純樸年甫一週失怙恃養於伯舛未幾伯又逝世舛如父孝敬肫篤每讀古今秘書足不及公門甲子鄉民飢散粟活之亦不肯以聞於州有司屢請賓筵勿赴年八十張牧大紳尤欲致之固辭張曰是古人之遺也

劉珍玉字欽我泰市一園人平生非道一介不取嘗濟荒於來鳳寺飢者設粥死者施棺捐金脩燕子厓橋修瀝溪前路塑佛像於蓮堂寺造船於迎息門疎財尚義州牧張旌以清時逸德

王則正字紹唐崇鄉寨下人幼習舉業父早逝事母極齊慄遺弟三人俱幼教育之皆進成人後出所有均分毫

不自私穀粟遇凶歉悉出賑貸雖價騰如珠不肯市金
僉憲李友梅先守是邦軍需不敷倡義捐金五十兩為
家衆完其積逋不取本戶之償早歲艱嗣後舉五子巡
守兩臺給以冠帶享年七十有五

樊尚巡字立南仁鄉大橋人制行敦樸樂施好義嘗置畫
橋田租百餘石供讀書膏火子孫多列膠庠脩黃陂東
西水圳灌溉田畝人咸利賴之崇禎間舉鄉賓州牧胡
如川給匾以旌